

Na osnovu člana 9. stav (1) Pravilnika o vrstama vlastitih javnih prihoda u Federaciji Bosne i Hercegovine („Sl. novine Federacije BiH“, broj: 104/2022), člana 27. stav 1. alineja 6. Zakona o ustanovama („Službeni list RBiH“, broj 6/92, 8/93 i 13/94) i člana 40 stav 1. tačka g) Pravila Javne ustanove Sarajevska filharmonija (broj: 195/02/UO/18 od 26.02.2018. godine), Upravni odbor JU Sarajevska filharmonija, na sjednici održanoj dana 28.09.2023. godine donosi:

PRAVILNIK O VRSTAMA VLASTITIH JAVNIH PRIHODA JU SARAJEVSKA FILHARMONIJA

I OPŠTE ODREDBE

Član 1.

(Predmet)

Pravilnikom o vrstama vlastitih javnih prihoda JU Sarajevska filharmonija (u daljem tekstu: Pravilnik) uređuju se vrste, način i rokovi raspodjele vlastitih prihoda koje ostvaruje JU Sarajevska filharmonija (u daljem tekstu: Filharmonija), pravni osnov ostvarivanja, namjena i način trošenja vlastitih javnih prihoda.

Član 2.

(Vlastiti prihodi)

Pod vlastitim prihodima Filharmonije podrazumjevaju se prihodi koje Filharmonija ostvari obavljanjem osnovne djelatnosti i ostalih poslova na tržištu.

II KRITERIJ ZA UTVRĐIVANJE I VRSTE VLASTITIH JAVNIH PRIHODA FILHARMONIJE

Član 3.

(Kriteriji)

(1) Kriterij za utvrđivanje vlastitih javnih prihoda Filharmonije, u skladu sa članom 4. Pravilnika o vrstama vlastitih javnih prihoda u Federaciji BiH, su da :

- a) prihod ne spada u kategoriju poreza, doprinosa, taksi, naknada i kazni;
- b) prihod nije kao javni prihod propisan posebnom odredbom u zakonu;
- c) prihod se ostvaruju obavljanjem aktivnosti na tržištu i u tržišnim uslovima, a koje aktivnosti mogu obavljati i drugi pravni subjekti na tržištu (ne postoji isključivost za obavljanje aktivnosti), s tim da je ta aktivnost izvan propisom utvrđene osnovne djelatnosti uređene propisima o osnivanju i utvrđivanju djelokruga rada Filharmonije.

Član 4.

(Vlastiti javni prihodi od iznajmljivanja opreme)

(1) Vlastiti javni prihodi Filharmonije od iznajmljivanja opreme koji zadovoljava kriterije iz člana 3. ovog Pravilnika, a u skladu sa članom 5. Pravilnika o vrstama vlastitih javnih prihoda u Federaciji BiH, su:

	Oznaka vrste prihoda	Naziv vlastitog javnog prihoda
1.	722645	Vlastiti prihod od iznajmljivanja opreme

(2) Pravni osnov ostvarivanja vlastitih javnih prihoda iz stava (1) ovog člana su potpisani ugovori sa zakupoprimcima instrumenata u vlasništvu Filharmonije u skladu sa važećim propisima.

(3) Namjena utroška vlastitog javnog prihoda iz stava (1) ovog člana je pokrivanje izdataka za Materijal, sitni inventar i usluge - oznaka konta 613000, te izdataka za Nabavku stalnih sredstava – oznaka konta 821000, u skladu sa realizacijom usvojenog Plana i programa Filharmonije.

Član 5.

(Vlastiti javni prihodi od prodaje usluga, pristupa i korištenja)

(1) Vlastiti javni prihod od prodaje usluga, pristupa i korištenja koji zadovoljava kriterije iz člana 3. Pravilnika, a u skladu sa članom 6. Pravilnika o vrstama vlastitih javnih prihoda u Federaciji BiH, su:

	Oznaka vrste prihoda	Naziv vlastitog javnog prihoda
1.	722651	Vlastiti javni prihod od prodaje usluga, pristupa i korištenja

(2) Pravni osnov ostvarivanja vlastitih javnih prihoda iz stava (1) ovog člana je Pravilnik o načinu prodaje ulaznica i utvrđivanju kriterija za dodjelu gratis ulaznica i pozivnica u Javnoj ustanovi Sarajevska filharmonija (broj: P-01-06/05 od 14.06.2005.), te potpisani ugovori o nastupima orkestra.

(3) Namjena utroška vlastitog javnog prihoda iz stava (1) ovog člana je pokrivanje izdataka za Materijal, sitni inventar i usluge - oznaka konta 613000, te izdataka za Nabavku stalnih sredstava – oznaka konta 821000, u skladu sa realizacijom usvojenog Plana i programa Filharmonije.

Član 6.

(Vlastiti javni prihod od oglašavanja proizvoda i usluga)

(1) Vlastiti javni prihod od oglašavanja proizvoda i usluga koji zadovoljava kriterije iz člana 3. Pravilnika, a u skladu sa članom 6. Pravilnika o vrstama vlastitih javnih prihoda u Federaciji BiH, su:

	Oznaka vrste prihoda	Naziv vlastitog javnog prihoda
1.	722654	Vlastiti javni prihod od oglašavanja proizvoda i usluga

(2) Pravni osnov ostvarivanja vlastitih javnih prihoda iz stava (1) ovog člana su potpisani ugovori o saradnji o pružanju marketinških usluga, potpisani ugovori o sponzorstvu/pokroviteljstvu.

(3) Namjena utroška vlastitog javnog prihoda iz stava (1) ovog člana je pokrivanje izdataka za Materijal, sitni inventar i usluge - oznaka konta 613000, te izdataka za Nabavku stalnih sredstava – oznaka konta 821000, u skladu sa realizacijom usvojenog Plana i programa Filharmonije.

Član 7.

(Vlastiti javni prihod od distribucije i prodaje pisanih, foto i video publikacija i materijala, obrazaca)

(1) Vlastiti javni prihodi Filharmonije od od distribucije i prodaje pisanih, foto i video publikacija i materijala, obrazaca koji zadovoljava kriterije iz člana 3. ovog Pravilnika, a u skladu sa članom 5. Pravilnika o vrstama vlastitih javnih prihoda u Federaciji BiH, su:

	Oznaka vrste prihoda	Naziv vlastitog javnog prihoda
1.	722655	Vlastiti javni prihod od distribucije i prodaje pisanih, foto i video publikacija i materijala, obrazaca

(2) Pravni osnov ostvarivanja vlastitih javnih prihoda iz stava (1) ovog člana su odluke Upravnog odbora, na temelju ovlaštenja propisanih članom 40. Pravila JU Sarajevska filharmonija (broj: 195/02/UO/18 od 26.02.2018. godine).

(3) Namjena utroška vlastitog javnog prihoda iz stava (1) ovog člana je pokrivanje izdataka za Materijal, sitni inventar i usluge - oznaka konta 613000, te izdataka za Nabavku stalnih sredstava – oznaka konta 821000, u skladu sa realizacijom usvojenog Plana i programa Filharmonije.

III PLAĆANJE, USLOVI, NAČIN I ROKOVI RASPODJELE VLASTITIH JAVNIH PRIHODA

Član 8.

(Planiranje i namjena vlastitih javnih prihoda)

(1) Planiranje i raspolaganje vlastitim javnim prihodima, kao i nadzor nad istim vrši se u skladu sa Zakonom o budžetima Federacije Bosne i Hercegovine te propisima koji uređuju Računovodstvene politike za budžetske korisnike I trezor Kantona Sarajevo, propisima koji uređuju način plaćanja i trošenja vlastitih javnih prihoda i ovim Pravilnikom.

(2) Vlastiti javni prihodi Filharmonije planiraju se kroz Plan budžeta Filharmonije i izmjene i dopune budžeta Filharmonije.

(3) Na osnovu planiranih vlastitih javnih prihoda, planirat će se i rashodi i kapitalni izdaci.

(4) Vlastiti javni prihodi koristiće se prioritetno za pokriće izdataka (rashoda) nastalih obavljanjem poslova iz kojih proizilaze ti prihodi, a ostatak će se raspoređivati na tekuće i kapitalne izdatke.

Član 9.

(Raspolaganje vlastitim javnim prihodima)

(1) Filharmonija raspolaže sa ostvarenim vlastitim javnim prihodima u skladu sa Zakonom o izvršavanju budžeta Kantona Sarajevo i ovim Pravilnikom.

(2) Filharmonija može koristiti vlastite javne prihode prema izvještaju Ministarstva finansija Kantona Sarajevo koji se Filharmoniji dostavlja do 15. u mjesecu za prethodni mjesec.

(3) Vlastiti javni prihodi koji nisu planirani u Budžetu, a koji se ostvare u toku godine ili se ostvare u većem iznosu od plana u Budžetu, na prijedlog Filharmonije unosit će se i raspoređivat odlukom Vlade i postaju sastavni dio Budžeta.

IV NAČIN UPLATE I TROŠENJA VLASTITIH JAVNIH PRIHODA

Član 10.

(Uplata i trošenje vlastitih javnih prihoda)

- (1) Vlastiti javni prihodi Filharmonije uplaćuju se na depozitni račun Budžeta Kantona Sarajevo.
- (2) Vlastiti javni prihodi Filharmonije mogu se naplaćivati i u gotovini.
- (3) Filharmonija je odgovorna za potpuno i pravovremeno uplaćivanje vlastitih javnih prihoda na depozitni račun.
- (4) Filharmonija je dužna vlastite prihode ostvarene u gotovini uplatiti na depozitni račun i to najkasnije narednog dana od dana naplate istih, a naplaćena gotovina se ne može koristiti za izmirenje tekućih obaveza.
- (5) Vlastiti javni prihodi Filharmonije moraju se utrošiti do kraja budžetske godine za realizaciju usvojenog Plana i programa Filharmonije, a neutrošeni dio vlastitih javnih prihoda postaje javni prihod Budžeta Kantona Sarajevo naredne godine.

Član 11.

(Raspoređivanje ostvarenih i naplaćenih vlastitih prihoda)

Filharmonija je dužna da ostvarene i naplaćene vlastite prihode rasporedi na rashode u finansijskim mjesečnim planovima izvršavanja Budžeta.

V ZAVRŠNE ODREDBE

Član 12.

(Izmjene i dopune)

Izmjene i dopune ovog Pravilnika vrše se na način i po postupku predviđenog za njegovo donošenje.

Član 13.

(Stupanje na snagu)

- (1) Ovaj Pravilnik stupa na snagu usvajanjem od strane Upravnog odbora, i dobijanja pozitivnog mišljenja od strane Ministarstva finansija, a uz saglasnost Vlade Kantona Sarajevo.
- (2) Pravilnik će se objaviti na web stranici Filharmonije, oglasnoj ploči Filharmonije i u „Službenim novinama Kantona Sarajevo“.
- (3) Danom stupanja na snagu ovog Pravilnika prestaje primjena Pravilnika o korištenju vlastitih prihoda, načina i rokova raspodjele, broj: 153/03/UO/17 od 07.03.2017. godine.

**Predsjednik Upravnog odbora
Ališer Sijarić**

Broj: 137/09/O/23

Datum: 28.09.2023. godine

Bosna i Hercegovina
KANTON SARAJEVO





12
4536
PB-24

Broj: 02-04-44125-21/23
Sarajevo, 19.10.2023. godine

Na osnovu člana 26. i 28. stav (2) Zakona o Vladi Kantona Sarajevo („Službene novine Kantona Sarajevo“, broj: 36/14 - Novi prečišćeni tekst i 37/14 - Ispravka) i člana 9. stav (2) Pravilnika o vrstama vlastitih javnih prihoda u Federaciji Bosne i Hercegovine („Službene novine FBiH“, broj: 104/22) Vlada Kantona Sarajevo, na **31. sjednici održanoj 19.10.2023. godine**, donijela je

O D L U K U
O DAVANJU SAGLASNOSTI NA PRAVILNIK O VRSTAMA VLASTITIH JAVNIH
PRIHODA JAVNE USTANOVE SARAJEVSKA FILHARMONIJA

I

Daje se saglasnost na Pravilnik o vrstama vlastitih javnih prihoda Javne ustanove Sarajevska filharmonija broj: 137/09/UO/23 od 28.09.2023. godine.

II

Ova odluka stupa na snagu danom donošenja, a objavit će se u „Službenim novinama Kantona Sarajevo“.



Dostaviti:

1. Predsjedavajući Skupštine Kantona Sarajevo,
2. Zamjenici predsjedavajućeg Skupštine Kantona Sarajevo (3x),
3. Premijer Kantona Sarajevo,
4. Ministarstvo kulture i sporta Kantona Sarajevo,
5. Ministarstvo finansija Kantona Sarajevo,
6. Javna ustanova Sarajevska filharmonija (putem Ministarstva kulture i sporta Kantona Sarajevo),
7. Za objavu u „Službenim novinama Kantona Sarajevo“,
8. Evidencija,
9. A r h i v a.